

**BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON
TUŽILAŠTVO SREDNJOBOSANSKOG KANTONA
Broj: T06 0 KT 0036513 24
Travnik, 04.03.2025. godine**

**OPĆINSKI SUD U TRAVNIKU
Sudiji za prethodno saslušanje**

Na osnovu člana 45. stav 2. tačka i) i člana 241. Zakona o krivičnom postupku Federacije Bosne i Hercegovine („Službene novine Federacije BiH“, broj 35/03, 37/03, 56/03, 78/04, 28/05, 55/06, 27/07, 53/07, 9/09, 12/10, 8/13, 59/14 i 74/20 – u daljem tekstu „ZKP FBiH“), podižem:

OPTUŽNICU

Potvrđena dana 06.03.2025.godine

**Protiv:
1.M. H.**

2.F. G.

Što su:

Dana 08.10.2024.godine, oko 17,00 sati, u ulici Školska bb, općina Travnik, nasiljem prema drugome ugrozili građanski mir I. P. i A. K., svjesni svojih radnji i znajući da su takve radnje zakonom zabranjene, što su i htjeli, na način da su primjetili u neposrednoj blizini Osnovne škole I. P. i njegovu djevojku A. K., prišao do njih F. G. i obratio se I. P. riječima „koga si ti uvalio u policiji“, a potom fizički nasrnuo na I. P., tako što mu je zadao otvorenom pesnicom više udaraca u predjelu glave i grudnog koša, zbog čega se A. K. prepala i otrčala do svoje majke, koja je stanuje u neposrednoj blizini i nazvala PS Travnik, da bi do I. P. prišao i M. H. i zadao mu više udaraca otvorenom pesnicom u predjelu lica i tjela, uslijed čega je I. P. zadobio lake tjelesne ozljede u vidu nagnječenja predjela lica i prednje strane grudnog koša, čime su ovakvim radnjama ugrozili građanski mir i njihovu sigurnost,

dakle, nasiljem prema drugom i naročito drskim ponašanjem ugrozili građanski mir pri čemu je jedna osoba zadobila laku tjelesnu ozljedu.

Čime su počinili krivično djelo Nasilničko ponašanje iz člana 362. stav 2. u vezi stavom 1. Krivičnog zakona FBiH, a sve u vezi sa članom 31. Krivičnog zakona FBiH.

Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom.